

Uvod

Ovaj rad se bavi pitanjima razvoja Jedinstvenog sistema registracije, kontrole i naplate doprinosa (u daljem tekstu: Jedinstveni sistem), analizom zakonodavnog okvira koji reguliše Jedinstveni sistem, te proučavanjem postojećih poslovnih sistema institucija koje su korisnici Jedinstvenog sistema.

Izvršen je pregled pravnog okvira za izvještavanje, prikupljanje doprinosa, sprovođenje i kontrolu doprinosa za socijalno osiguranje, uključujući pregled administrativnog uređenja i uloga ključnih institucija u sektorima socijalnog osiguranja i poreskom sektoru. Pregled pravnog okvira se u prvom dijelu fokusira na sistem registracije, naplate i kontrole doprinosa kakav je bio prije reforme i uvođenja Jedinstvenog sistema, a potom i na postojeći zakonski okvir koji reguliše sistem Jedinstveni sistem.

Rad se bavi poljem djelovanja Jedinstvenog sistema prikupljanja i naplate doprinosa, poslovnim modelom Jedinstvenog sistema prikupljanja i naplate i ulogama vanbudžetskih fondova i Poreske uprave. Analizirane su promjene u poslovnim funkcijama i organizacionim strukturama vanbudžetskih fondova i Porezne/Poreske uprave kao i funkcionalnost Jedinstvenog sistema.